

山谷老人刀筆

三

山谷老人刀筆卷第四

初仕至館職四

與人



頓首伏蒙賜教存問勤懇審比來萬福如常實慰
懷仰豈弟君子退處閑散每真知者共歎得所賜
委喻累帑但增歎耳方朝廷每事循軌轍又知公
若多不在人材之地故尚爾淹留造物者常因其
材而篤焉如公夙夜靖共豈久廢者叩頭進德不
忘以綏百祿

又

南方歲事兩澤及時否諸道多不檢朝廷遣使旁
午未慰肝食憂勤也聞江湖頗得歲審爾訟訴亦
應稀簡郡雖僻陋君子居易以待時想能安樂也

與崧老

再拜奉別忽復八年雖於親舊間時聞動靜而
奔走南北無緣作記以修歸往惟攀仰不忘爾昨
兄弟往來貴部皆蒙勞來甚勤文欲通書道謝而
冥煩困於簿領忽忽以至今即日不審何如伏惟
萬里安於豈弟行獄蕭清齋閣時有文酒之樂某
竊食於此無以庇民襍被以待寬除耳未緣參對
唯冀自重以需百祿謹奉狀

與王及之賢良

頓首前辱車馬辱臨匆匆不得參候重蒙書詞稱
如後進見先達之禮不肖自視歎然實不敢當

世學恐爾高文二編蒙不以交淺傾困賜之恩意甚厚爛然盈目未能得其味但欽伏爾綉川集計多有本軼乞取藏之春秋論策借留熟觀對客上書不如禮

與周甥推深

夫資甚美但恐讀書未得其要觀古人書每以忠信孝悌作服而讀之則得益多矣亦不必專作舉子事業一大經二小經如吾甥明利之質加意半年可了當以少年心志治君子之事業耳學問當以不及古人為戒勿以一日之長繫主司得失為意則世間疾苦不能入矣

與孫克秀才

頌首辱惠顧勤懇詩已徧觀之矣詞章清快易得可學之才也請讀老杜詩精其句法每作一篇必更有意為一篇之主乃能成一家不徒老筆硯玩歲月矣酒三尊謾送去以沃旅愁草草某白

與趙伯充

學老杜詩所謂刻鵠不成尚類鶩也學晚唐諸人詩所謂作法於涼其弊猶貪作法於貪欲將若何要須讀得通貫因人講之百許年來詩非無好處但不用字亦如書字要須以鍾王為師耳

與濟川姪

濟川姪夜來細觀所作文字甚有筆力他日可為諸父雪耻但須勤讀書令精博極養心使純靜根

今若深不患枝葉不茂也

與懷道年

四十二年資性甚美文字亦有筆力然須得師友
琢磨劉元樂有行義甚可依潘洪諸少皆有文藻
與游必有弘益正是強爭時光陰可惜也

與宜春朱和叔

承頗留意於書書脩身治經之餘誠勝他習然要
須以古人為師筆法雖欲清勁必以質厚為本古
人論書以沈着痛快為善唐之書家稱徐季海書
如怒猊抉石渴驥奔泉其大意可知凡書之害姿
媚是其小疵輕佻是其大病直須落筆一一端正
至於執筆自然成行草則雖草而筆意端正最忌
用意裝綴便不成書

又

細辛為物最奈久藏若有但見惠得二兩許便足
合老兒一藥待此而成不審曾為尋否市中買到
只是馬蹄香耳

與人

拜手奉手筆喜承起居輕安齋罷欲到城中借人
馬來因為調老駒可也隕隊實墜碩隊義皆同耳
昔人自有憂宮家養底藥他夜間无睡處但是幾
量不同亦不必恠也非敢抗否但據理論之耳

荅萊州使君

昨晚到舍得所惠教并煩再置新醞極荷勤懇前

言承方飲輟惠甚副服藥之須重煩乞鄰亦得來
日爲老兒祝壽拜賜良厚也夏藥亦佩嘉德庚伏
天差可堪伏惟侍奉万福蘭亭未到到即送上詩
刻二本不足觀謾社

又

重煩貺以羊麪礼意過當何必如此荷故人之情
惓惓不敢退避但增愧耳謹動手狀道謝万一

與鄧仲常

四

不意变故嘉興郡太奄棄奉養伏惟追慕抱携顧
懷之勤哀苦何以堪處日月川流遽至成服割痛
何堪柰何柰何惟以理喻痛致力襄事謹問匆匆
又

承湏挽詩顧鄙句不足以相哀緝見謂之勤敢不
奉承數日間當遣上矣

荅監使殿直

辱書勤懇并惠送井泉荷惓惓之意某到城三日
賔客人事幾无暇暇迫行二鼓乃作此書耳然
湏作詩那復得此暇望見公書齋亦自有思故名
齋曰寸陰又所作曉光亭名亦不雅馴今名亭曰
閑幽其意具別紙眼花極草草

與君實仁親

揚華店有土井清冽而甘不作土氣自双井來所
經井泉數十皆不及此惜張又新陸羽輩不及知
也公好事而有俊氣希爲發揮之欲奉煩以伍升

瓶甕兩器取井傍石十數置其中令水不濁
家頭石灰泥送至郡中早得乃佳

此欲爲忠父作小字數紙未暇然肝貽相望數會
亦易致達幸垂照也

與職方大叔

至京一月未及參拜豈於左右真尔闊踈耶初入
都即謀安親之地既定則病今日小愈方試行戶
庭問力未能鞍馬也七兄還家詳聞動靜深以爲
慰承廩稍不給聚族白髮勤官况味尚爾耶病起
力乏上狀不如礼

與六姨三首

再拜歲初到家兩苦癰疽又賓客無日不在門故
絕不得暇父缺修敬惟深瞻仰春候暄暖即日伏
惟尊体動止輕安道齋香火精勤不懈主簿及新
婦夙夜率職孫女長成某雖再乞江淮一差遣比
被堂劄趣行方治行李爲遷延江淮聽命之計非
久亦至城下當候參觀謹附承動靜願調適平等
心以養眉壽不備

又

再拜啓季春極暄伏惟尊体動止萬福一向以供
職都下匆匆才了眼前故不能上狀再蒙批記感
慰至深龍姥來能詳通左右動靜承頗以家事未
就緒多伏枕近湯藥遠思不勝揀捌官小食口數
未能以秋毫助左右但曾中盤一車輪耳俟更與

六舅孰計之然人生只如此唯望以聰明回保安
強以待災去福來迺可爾無辯可以息諍無爭可
以止怨此最事簡而易行願留意於此唯望以聰
明回光自照焚香誦經勸督齋郎孝業以待時至
祝祝

二

前蒙手作嶺外十竹遠寄以來勢飛動即與坐客
同觀之無不歛衽欽嘆當每竹記數句語標軸它
時與中州士大夫共此奇觀也但恨未及識此竹
體世之所宜或能因暇筆示幸甚竹族類最多而
神農本草齊民要術戴安道竹譜皆不能及其種
相體性常欲疏記恨所識未博耳所寄紙軸猶未
暇落筆寒夜就爐或可作即上寄至親間時有可
快快者但願純以慈慈喜捨視之則冤憎氣消心
意安樂白頭受福以庇孫曾古人言必有忍其乃
有濟有容德乃大六姨聰明必能融解此意

與范宏父

再拜昨旌旆在城東以老親醫藥未問不得至館
下欲再遣騎承動靜而使節已行公私匆匆因循
至今天氣比來寒暄不節不審南土如何比惟按
部所止官吏効實驟冀得告神之所聽起居百福
尚阻參承臨紙增情願為因自重以須召節謹奉
狀

荅佛印了元禪師

曾注來廬山雲居之下聞道言籍甚而不得面惟
長言句多傳中朝士大夫間望風懷想則勤耳忽
辱示書存問勤懈小人沉迷俗狀去道甚遠何以
得此於善知識也未緣參對願為甚忍世緣謹奉
狀

又
某汨沒塵中懷高勝之風无日不勤因來何以教
之

與雲岩西堂和尚

雲巖西堂和尚即日伏惟少病少惱氣力安樂等
觀衆生慙慙引接得无疲勞蒙賜書重重告教止
爲此事恐某前來悟處不实深見老婆心切万里
相對豈可自護若不任麼終不去通箇消息念念
不續徹底推空都无道理没可把握更難割甚處
三乘十二分從二祖師一切所立法門不是止處
錢元絲頭許可掛唇舌都无所台故於普賢行願
中百巧千拙且恁麼過有病處願加鍼艾无絲線
近憑此問信

與雲岩禪師

頓首辱手誨審道衆清肅四大輕安良慰懷想惠
示木石碑刻拙字煩剪被甚堪石門閣字氣象老
可觀題名刻得石文敲敲迺似百碑爾

又

承比來微冒風寒伏想四大口一知事竭力道

去蕭當曰无端未果亦益論但有懷仰換牌甚荷
得意亦愧不會作客勞煩主人耳碑成若得暇或
遣人往取此人回草草

荅清隱禪師二首

頓首風水淹留幸得對談塵殊慰寂寥二十九日
解舟到山下阻風兩日相望二十里極思茶會願
陰慘不敢遣人奉邀爾到星子便承監院垂訪出
秀後所惠書荷勤懇并維摩香臺山茗石刻皆領
拜謝嘉貺到城下人事便紛紛不能如阻風處得
爾作書奉謝良草草雨寒想道衆蕭雅多愛冬愛

又

曾息伽陀大為佳作甚有警策也人事多未暇奉

拜建溪三十鳥盞十右送清隱接待四海五湖

與觀音院長老

昨日承訪別荷勤懇知衆隨者衆竭舍不得少延
錫甚媿早來行李衝雨良勤既治舟行想須盤
帶雲岩兩三日拙頌不足觀謾表意爾双井遠索
得少許已不甚佳謾恰乍到煎點道塗惟真善愛

荅廣公閣梨

頓首承示喻欲刻藏託小字舊文拙惡何煩特地
但且留日本示人可也今別寫求明智竟禪師示
衆語一本請令善工刻之乞守碎銜已自有書道
達佛法淡薄魔事熾然有力道人正當出手扶救
必欣然成就此緣也

與翔大師

頓首昨病瘥數日既參告又公私紛紛故不果
請辱教喜承堂頭氣力安樂道人為清眾竭力
善甚善玄公宗派固願託名其後但未曉所欲
序意旨一二日到寺中咨問吾兄與承天方可下
筆也

又

頓首昨曉同款語甚慰旦來想日力增勝判狀納
上

與雲居教首座

伏奉禪師七月七日遺書承即以是日薪盡火滅
磨事熾然法幢摧折人天所共悲仰伏想山中異
類悲鴻草木變色九諸外護仁賢誰不哀痛聞
維有日恨以世諦束縛不能往同法會今送香
合并燒香頌去幸為告白匆匆萬不一陳

與余洪範

伏承教答敬佩磨琢之益論聽言之道有之則吾
改之無之又何卹焉則洪範之論雖盡聖眾不可
家說而戶曉則又相傳以為長短此物理之不可
免者也則不肖論之盡矣於流俗與之則無不備
盡不能得一事止作許多關鍵則又不肖之病矣
誠不可鍼艾者也自省以來浮流世俗之風波四
十年莫不過如此也飢食渴飲困則歛卧如瞿
入水不落羅刹計中不肖亦不能學也

承動靜方此阻遠願爲國自重以須進用謹勒手
狀

與人

頓首來日欲函文潛過觀音晨飯午後具數盃只
是斯幸兄弟鄰老兄弟共六分耳多得珍品乃佳
或借一商人就觀音具之若有麈尾盤丸之類就
此煖湯耳續馳納五千去奉其費或不足更示喻
酒已具於此器用之類皆貧公家也

山谷老人刀筆卷第四

山谷老人刀筆卷第五

丁憂

與洪甥駒父

老舅不孝天降酷罰外婆郡大六月初八日棄背
孤叩地號天無所告訴苦痛煩冤心肝崩裂苦
痛奈何冤苦奈何日月不居奄經四七攀號不逮
忍苦未死奈何奈何二十一日七舅來自汝州兄
弟皆持號痛哀絕奈何奈何想吾甥少失所持比
歲數見外舅今復求失當深悲苦幸朝廷恩厚例
入賻絹二百下木萬應副葬事今已得五弁并舉
二十八叔母孫謝兩舅母四喪歸葬但以暑伏未
敢扶護登舟然行期亦不過此月下旬矣哀荒不

能一一江潘諸友訪舅存沒者以此告之不次某
謹告

又

駒父推官外甥得去十二月十日所寄書審官下
勝健為慰近遣父自南昌來相會數日文字極進
亦兩得文城委曲甚安也老舅哀悼茶毒扶護艱
勤水行略已半年經此歲序哀摧感咽殆不自勝
今日入分寧界溪山草木觸事痛心奈何奈何比
以雙井舊宅不能容四十口十四舅已就溪濱竹
間作一宅可旋風雨葬事徐圖之在九月十月間
此諸事亦種有無為之耳割四家禍乃至於此言
之使人動心今不知遠在何處居也感腫博詞采

光華亦足慰泉下之人矣。譬陰日新之功當不止於此。因來更數寄頗得暇治經否。此乃文章之根。治心養性之鑿。又當及少壯耐辛苦。特加鑽仰之。勤耳。馮父何婦吉禮在幾時。且留官次否。小舟几。研動。搖作書。極草草。不以其奇。

又一

老舅孤苦病瀕前。活未死粗能。飽粥以奉堂。殯日。月不足。電經。祥練。追慕不逮。痛深。暑割。奈何。奈何。頰寬。茶盡。不自勝。重以給事叔父之喪。號痛。幾絕。創鉅。痛深。加以。石割。奈何。奈何。遠承書。疏存問。但深感。塞新文。寓祭。讀之。妾涕無緣。相見。訴此痛。毒因人。還草草。荒塞不能。萬一千萬。將愛慰。此懸。不以其奇。

二

承承兩外甥寄惠安康。挽辭悲摧。感塞無以為會。天寧之期。卜以來年二月初吉。今鄉堂陶石之功。真矣。一木一石。無非七舅親致力也。舅疾苦之。身幸能。飽粥。唯苦廢。志亦是年。將五十。不堪。厚慮。耳。駒父。馮父。及此。富於春秋。各須。強學。要須。窮古。又用心。更乃可少。暇。談也。多病。相勞。即。曠。暇。書。不。給。次。某。白。

與洪甥龜父

侍遊中書。審侍奉。六世。縣君。安裕。同請。弟進學。下。心甚。慰。懷。想。即日。霜。寒。想。同。親。類。供。具。肯。其。不。遺。

與州教授得安問寄詩比舊增勝每得所寄文字
雖哀苦憔悴中亦一開顏也所問禮樂事具悉禮
樂者聖人所以節文仁義至於大成者也修之身
立於天下一法也一物也樂由天作禮以地制夫
範圍天地非聖人孰能之惟聖人能達萬物之宜
通天下之志萬物皆得宜禮之實也天下皆得志
樂之情也董生王吉劉向所論蓋欲用先王之禮
樂宜於世者以教化民此與聖人之言不悖孔子
所論孟公綽下莊子之徒蓋或過或不及非以禮
樂節文之則不可以爲成人如孟子所論合矣聖
人者知人之本根材器故其用禮樂也知變化之
道與天地同流故鐘鼓之間而與天地同和俎豆
之間而與天地同節後世不本之心術故肝膽焚
越也而況於禮樂乎對客疲倦草草奉報

又

得來書知侍奉萬福進學不倦爲慰老舅霜露
摧比經祥練追慕無異痛深嘗割奈何奈何方此
荼毒百骸必瘁又聞給事叔父之計一慟欲絕奈
何奈何馮父在太學時得安問否得劉教書推與
二生文藝頗慰懸情通知古今在勤讀書文章宏
麗在筆墨追古至於夜行之行不見之美極須留
意畧說人之常病有十種喜論人之過不自訟其
過嫉人之賢已見賢不思齊有過不改而必文不
稱事而增語與人計數曲直喜窺人之私樂與不

肖者遊好友其所教試反已而思之若一日去其一則十日亦盡去矣管子曰聖人貴夜行此之謂也此所謂安身之利用孟子所說曠安宅而不居者謂此等也潘君文字極有思致近又得渠書傾倒甚至多病未能即作荅且爲道意不知此君能留意治心養性否古人言說得一丈不如行取一尺說得一尺不如行取一寸此至言也見徐外生奉議亦道此意數十年先生君子但用文章提獎後生故華而不實諸生寡過可討郭林宗傳觀茅季偉田仲乙安用文章也未能相見千萬自重勤務本之學

與方察院

某叩首往歲貢院得奉緒餘初不款曲遷象即苦公私無暇日刺謁記問缺然此高明所寄喻可勿論也今者遭禍故歸改葬田里無緣一望光彩辱哀憐勞苦良厚感慰何可勝言小舟几微紙筆皆不能修敬持相察知乃敢爾

與子正通守

道出貴部幸得承誨語又辱主人之禮勤重感服無以爲喻晚刻伏惟起居萬福某以愁苦裝懷不能一請別謹勤手狀幸照察

與仲護運勾

叩首道出貴部數以鄙事瀕煩每蒙眷憐不卷感愧焉已天氣小冷不審體力何以區區郵拜幸

舟人以不成程次來旦乃成行無緣言面頰加
變重双井茶謾分上適有僕夫自遠來茶味似可
天或往但不知此有佳確否病餘疲瘵不次

與周子文長官

首比國家弟從君子游頗聞風旨罪逆餘生大
病幾死無緣參詣昨日飯飽携小兒女扶杖經行
偃息江濱主人之舍仍蒙顧存不得曳杖奉迎晚
歸聞知維舟之所瞻望甚迹凶麓不敢前他日江
上卜解后林下葦間謹奉狀

與焦君明

叩頭罪逆餘生苟活未死護喪道出貴郡凶釁無
緣參詣家慈哀特垂祭奠弔問勤懇孤苦之
情感塞摧絕謹奉疏稱謝万一哀荒不次

又

比辱寵顧勤懇無緣參詣霜寒承體力勝健爲慰
石研爲船下壓疊未可見三兩日納上洪州兵級
三十人祇候請米已數日或得分暇一給与幸甚

又

昨晚荐辱垂顧極荷眷予之勤舟卒請米已嘗面
禱想爲留意

又

兩日不得面車從出至開先万杉想殊有樂事天
氣晴暖不審尊候佳否嘗須夷齊庙碑今錄上部
惡不足觀也念遠上狀草草

與晉甫 四首

叩首冬暖而雨天氣未佳不審比來何似伏奉牋
記累幅札數過當雖懷戰勤重然甚悚仄不敢承
也比以舟楫未洽淹留意緒殊不佳遠承津遣開
濟行李非仁哀孤苦安能如是欽服高誼大不可
言

又

不肖於公家伯仲有一日之雅又德占家復職瓜
葛從以未嘗得望履舄故不能一通記問今者遭
罹大故護喪西葬田舍道出貴部蕭然凶產无緣
參候伏惟豈弟之政田里所安縣齋虛閑寢膳宜
適哀苦癯瘠瘡寒手凍上狀不如礼伏幸補察

又

四順湯法今詳錄上大槩欲藥材精耳舟次風雨
賓客不可少駐清暉閣大是佳處但風寒尔煩指
麾借簾數間遮映前後更得兩青條則足矣鄙事
溷高明悚場悚場

又

積惠賜茶感刻送酒香味極佳從來苦都城厨醞
味如稀餠不謂步兵奇醞乃出大旆之下細酌風
來如對清論欽羨欽羨

與閻伯仁 四首

一昔昨日幸得面少慰馳仰已約不再謝問居想
將車乘幸勿出也双井白芽半斤許頗新香護

入經室以助靜緣。坐進此道以觀芸芸。

又

叩首適蒙致奠，實深哀感。掃榻久矣，不聞聲。然適
間居狹，不能致。鞍乘爾楚州杏仁，此邦玉泉，皆云
是其良想。杜門亦賴此陶寫。故謾往遣人負，輒冀
能一臨耳。

又

早辱訪別，勤甚哀憐。孤苦病羸，意深厚矣。恨行李
匆匆，不能求教。欵曲耳。又煩郵及饋粥，致伊蒲之
助。誠不可言。

答人

某叩首。即日不審孝履，何如。伏惟尚能古持。某昨
以八月出都，至盱眙，大病幾死，殆不能脫。喪幸出
大江以來，即无恙。然風波處處，淹留百憂所會。正
月八日，乃至双井山川，如昔觸事，墮心奈何。奈何
到家，得所惠書，存問勤篤，感慰无量。檉即次已
二十餘日，賓客未間，撥忙作此狀，極草草。

與德辛宣義

叩首罪逆餘生，苟活未死，扶護假道，辱地主之禮
甚厚，不肖之孤，哀摧感塞，雖欲稱謝，无地。寄言別
來日，欲作書以近鄉里，處處賓客來，弔祭略无暇
日。以正月八日到家，親實至今未間，雖懷仰不忘
未能近筆墨，蒙存問勤懇，大慰馳情。比承太守已
到官，想正事不至勞動，體力勝健，哀悼之餘，從

里舍長守墳墓未有叅對之期惟冀若時自愛

與人二首

叩首不孝之行負於神祇不能即死禍延所恃奄
棄奉養叩地號天無所告訴煩冤荼毒肺肝催裂
不孝深蒼天罪逆深蒼天山川悠遠扶護難勤日
月不居遽復改歲追慕不逮痛深剝割柰何柰何
伏蒙慈哀遠垂弔問悲摧感塞大不可言孤苦病
羸餘生無幾待盡朝夕謹奉疏稱謝萬一哀荒不
次

又

某叩頭罪逆餘生苟活未死伏蒙慈哀曲垂弔問
悲感之情摧絕不勝凶麤無緣叅詣稱謝萬一馳

刀筆表五

八

嚮而已午刻不審尊候何如謹附承動靜哀塞不
次

與本州太守 三首

某孤陋寡聞在廷不見比數雖獲同舍未嘗得望
風采切懷願見之心舊矣罪逆孤苦死亡無日伏
承大旆來鎮鄙州未獲溝壑猶託庇為越在襄削
無緣修桑梓之敬切惟高明鑒此哀悃伏承下車
將閱月惟君子之攸樂易使鰥寡皆得職於窮山
田畝之間伏想囂訟之聲不至於庭下齋閣閑虛
起居萬福鄙州江山粗足為東南之勝使者皆中
朝名士想復得登臨之助無緣承請緒言惟有馳
情

又
孤苦病羸茆然在褻削之中方勤寔窳之役人事
幾欲廢絕且復多故多病故欲以書疏通記室者
非一日臨紙屢廢臯緩至此非高明孰能察其哀
疚之情

又
某啟春雪苦寒不尊審候何如伏惟忠厚之氣內
外受福小人之桑梓實霑餘潤惟是望風懷想之
日久未能承教但馳情尔

答何斯舉 五首

某叩頭孤苦病羸苟活未死僅能饘粥以奉寔窳
幸以中外之助二月初吉獲畢大事迄茲無悔惟

刀筆卷五

九

是未失慈蔭無望願復煩寃荼毒肝肺摧裂不孝
柰何柰何伏蒙慈哀存問勤懇悲摧感塞大不可
言復承惠示頃所作詩每篇皆有佳句哀悴之餘
頗以慰釋惟不徒見於言載之行事立則叅於前
坐則伏於几乃為得之耳未緣會晤惟有馳情千
萬為親強學自愛

又一

叩首不復能通書孤苦憔悴之狀不言可愉矣中
間每見邠老龜父兄弟詩卷中有佳句未嘗不咏
歎也辱書累紙恩意勤懇但增感塞叅前堂佳句
甚高秀欽嘆欽嘆叅前堂但前對溪山修竹古木
森然頗助觀已其後夏日皆綠陰不見日耳土木

之功則極草草又堂中之人哀悴廢學甚不稱佳句也太和詩似不必作有微意具騎父書幸取觀之未緣會集唯強學自重

二

外甥鳴父得託貴門相與遂有瓜葛良以為悞諸令弟想講學不倦哀悴昏塞不記貴字欲奉字曰斯舉不知可用否取論語所謂色斯舉矣者但恐或犯諱字因來示喻陳季常所刻蘇尚書詩集頗為厚紙印一本見寄只封在鳴父處亦可爾

三

江黃州遂至於此令人氣塞中間雖見邸報不悉季共護喪向何所今定如雍丘取索季老毀譽甚

刀筆卷五

十

可念朝夕作書寄遞但此既在深山中寓書四方未必達耳

又

叩首春來寒燠未節承侍奉萬福為悞令弟想進學無恙承示喻親友離羣有獨學之憂苟無其人當論其世支古人於黃卷之間宗伯蘇端明之詩筆語妙天下於今為獨步當激賞其妙處率馬以驥也觀斯本詩句多自得之它日七八年少皆當蹶倒老夫但須得忠信孝友深根固蒂則枝葉有光輝耳願深念之寄惠蘇公詩集亦自有用處要欲得一本厚紙者藏之名山耳季常所寄亦是此一種紙嘗料季常為用厚紙印耳斯本者觀所謂

色斯幸矣翔而後集已極古人去就之意無可
言欲作序者但爲之垂藻耳哀悴以來文思枯涸
幾如井谷射鵝後寒泉補集即當下筆

山谷老人刀筆卷第五

